



Volume: 23 | 2022

ISSN: 2545-0573

РАВИШЛАРНИНГ ТУРЛИ МАҶНО ОТТЕНКАЛАРИ ("THE GRAPES OF WRATH" ВА "THE PEARL" МИСОЛИДА)

Садуллаев Феруз Бахтиёрович

*Хорижий тиллар факультети катта ўқитувчиси Бухоро давлат университети Бухоро,
Ўзбекистон*

ARTICLE INFO.

Таянч сүзлар:

Жон Стейнбек , мұхим, ёзувчи, роман, ғоя, қаҳрамон, реализм, мұносабат, кураш, равиши

Аннотация:

Жон Стейнбек Америка адабиёти ривожига юксак даражада хисса күшган забардаст намояндалардан биридир. Муаллиф асарлари давр рухияти, жамият зиддиятлари, турли қархамонлар ва тақдирлар, ўзгаришлар, инсон ва жамият орасидаги келишмовчиликлар ҳамда номутаносибликларни акс эттиради. Мазкур мақолада ёзувчи асарларида кўлланилган равишлар, уларнинг воеалар ва қархамонлар тасвирида роли ҳамда мазмунни мухокамага тортилган.

<http://www.gospodarkainnowacje.pl/> © 2022 LWAB.

Бадий асар ўзида воқеликни ёрқин акс эттира олган ижод маҳсулидир. Унда тилнинг таъсирчан бўлиши – тил бирликларининг тўғри танланиши, матн мазмунига мос келиши ва гапда ёзувчи кўзлаган мақсадни амалга оширишда муайян услубий вазифани бажаришига боғлиқ. Бу эса, ўз навбатида, ҳар бир ижодкорнинг ўзига хос услубини келтириб чикаради. [1, б. 118]

Жон Стейнбек асарлари билан китобхонлар қалбини жунбушга келтира олган, инсон тақдирини реал бўёкларда акс эттирган забардаст ёзувчилардан биридир. Айниқса, муаллифнинг “The Grapes of Wrath”, “Жавоҳир” (“The Pearl”) романлари эътиборга молик.

Жон Стейнбек ижоди долзарбилиги, ҳаётийлиги ва ҳаққонийлиги боис ҳозирги кунга қадар жаҳон адабий танқидчилигига кенг ўрганилганлигини алоҳида таъкидлаш мумкин. Ёзувчининг асарлари ўнлаб тилларга таржима қилиниб, чоп эттирилган бўлса, мазкур юртда ёзувчининг асарлари талқини ва тадқиқига бағишиланган илмий ишлар яратилган. Зеро, кенг китобхонлар оммаси адаб асарларини ўз дунёкараши ва фикри билан ўқиб ўрганаётганлиги эътиборни тортади. Дейлик, Ж.Бэнсон ва У.Френч адаб ижодини анча изчил ўрганган мунаққидлар сифатида бир қатор рисола ва мақолаларида ёзувчи асарларининг бадиий хусусиятлари, образларининг ўзига хослиги хусусида маълум хуносага кела олди. Шунингдек, К.Д.Жонсон, П.Б. Ҳай, Д.Мак Артур, С.Буркед, Л.Оуэнс ва Э.Лофтис сингари американлик адабиётшунослар Жон Стейнбек асарларида инсон индивидуал эмас, жамоа бўлиб тасвирланишини таъкидлашди. Рус адабиётшунослигига ёзувчи ижодини ўрганиш ва таҳлил қилиш борасида амалга оширилган тадқиқотларнинг илмий натижалари Я.Засурский, М.Мендельсон, А.Мулярчик, С.Батурин, Л.Андреев, Н.Шакирова, О.Осьмухина каби адабиётшуносларнинг изланишларида намоён

бўлди.

Жон Стейнбек ўз романларида фикрларини ифодалашда асар ғоявий-бадиий тузилишига алоҳида аҳамият беради. Ёзувчи фикрлари ва характерлараро ўзаро боғлиқликнинг асосий калити – бу мавзуларни ёритишдаги фалсафий концепция ҳамда ёрдамчи бадиий воситаларнинг ҳамоҳанглигидир. Адаб турли воситалардан – бадиий услубнинг фонетик, лексик, морфологик ҳамда синтактик имкониятларидан фойдаланади. Уларнинг айримларини кўпроқ, айримларини камроқ қўллаши, баъзиларини умуман қўлламаганлигини кузатиш мумкин. [4, б. 44] Бу муаллифнинг ўз олдига қўйган мақсадига боғлиқдир. Шу ўринда айтиш жоизки, равиш билан боғлиқ ҳолатдаги тил воситаларининг бадиий матндаги ифодаси турличадир. Муаллиф романларида мазмуннинг кучини, воқеаларнинг таъсирчанлигини, бўёқдорликни ошириш мақсадида улардан унумли фойдаланади. Мақоламизда равишиларнинг “The Grapes of Wrath” ҳамда “The Pearl” романларидаги ўзига хос хусусиятлари ҳакида фикр юритамиз.

Муаллиф иккала романда ҳам “*now*”, “*slowly*”, “*quietly*” каби равишилардан кенг фойдаланган. Бу равишилар асарлардаги қаҳрамонлар кайфияти, руҳияти ва давр вазиятидан келиб чиқкан ҳолда қўлланган.

“Now” равиши ҳакида сўз бораркан, романларда унинг “хозир”, “энди”, “айни чоғда” каби маъноларини учратамиз. Ёзувчи “now” равишини гапнинг бошида ёки охирида келтириш билан кўзлаган мазмунни китобхонга етказишига муваффақ бўлади. “*Kino's eyes were hooded now, his cheeks were drawn taut*”. [6, p.46] “*Now she was looking at him, her mouth open, as though to hear better, her eyes digging to know better*”. [6, p.98] Ушбу парчаларда “now” равишининг “айни чоғда” маъноли оттенкасини кўришимиз мумкин. Иккала ҳолатда ҳам кескин вазиятнинг – дастлабки мисолда ўғлини чаён чаққан отанинг уни қутқариш учун жавоҳирини сотишига таёрганинг (ваҳоланки, бу жавоҳир у учун яхши ҳаёт сари йўл эди) гувоҳи бўламиз. Қаҳрамоннинг ҳолати шу қадар тангки, айнан шу ҳолатга китобхон дикқатини қаратиш учун ёзувчи ушбу равишини қўллайди. Кейинги мисолда ҳам адаб Хуананинг айни дамда бутун вужуди билан эътиборини турмуш ўртоғининг қандай қарорга келишини кутаётганини тасвирлайди. Ҳар иккала мисолда ёзувчи “now” равишини қаҳрамонларнинг ҳаётидаги муҳим дақиқани ажратиб кўрсатиш учун қўллайди.

Навбатдаги мисолларда “now” равишининг “энди” маъносини кўриб чиқамиз. “*She could stand fatigue and hunger almost better than Kino himself. In the canoe she was like a strong man. And now she did a most surprising thing*”. [6, p.9] “*Maybe we got to fight to keep our land, like Pa and Grampa did. And now the owner men grew angry*”. [5, p.43] Биринчи парчада ҳатто очлик, машаққатни турмуш ўртоғига нисбатан яхшироқ енга олган аёлнинг эндиликда боласининг қийналаётганини қўтара олмаётганинг гувоҳи бўламиз. “Энди у ўзини ғалати тутаётган эди” деб ёзувчи ана шу ҳолатга ишора қилмоқда. Кейинги парчада ота-бобосидан мерос ерларни тортиб олишаётгани туфайли курашга отланган қаҳрамоннинг жамиятдаги муаммоларга муносабатини кўрамиз. “Энди ер эгаларининг жаҳли чиқди” дейишдан муаллифнинг мақсади – қаҳрамон шу воқеага қадар бундай йўл тутмай, ўзини вазмин тутганлигини китобхонга уқтиришдир.

Романда яна “*slowly*” ва “*quietly*” равишиларини ҳам кўплаб кўриш мумкин. Ёзувчи бу равишиларни қаҳрамонларининг характеридан келиб чиқкан ҳолда қўллаган. “Жавоҳир”даги Кино ва Хуана, “The Grapes of Wrath”даги Том, Она ҳамда Жоадлар оиласи аъзоларининг бари содда, камтар ва вазмин инсонлардир. Энг танг ҳамда мушкул аҳволда ҳам босиқлик билан ҳаракат қиладилар, бу уларга хос фазилат. Бунинг исботини қуйида келтирилган мисолларда кўрамиз. “*Kino and Juana came slowly down to the beach and to Kino's canoe, which was the one thing of value he owned in the world*” [6, p.19] “*He (Kino) turned and left quietly, and the people let him through*” [6, p.36] “*Noah moved slowly, spoke seldom, and then so slowly that people who*

did not know him often thought him stupid". [5, p.101] "Tom reached quietly into his pocket and brought out his tobacco, and he rolled a cigarette slowly and looked over it at the coals while he worked". [5, p.72] Мисолларда қўлланган "slowly" ва "quietly" равишлари "секин" ва "оҳиста" мазмунида қўлланилиб, қаҳрамонлар дуч келган вазиятнинг мураккаблигини, иложсиз ахволда эканини китобхон кўз олдида гавдалантиришга ёрдам беради. Муаллиф ҳар бир образининг қалбида кечайтган ғалаёнлар, чорасизликдаги ҳаракатларини мазкур равишлар ёрдамида тасвирлайди. Бу эса, ўз навбатида, китобхонни ҳар бир образга яқинлаштиради ва ҳамдард қилиб қўяди.

Хулоса ўрнида шуни айтиш мумкинки, ёзувчи ўз олдига мақсад қўяр экан, буни амалга ошириш учун у барча воситалардан унумли фойдаланади. Жон Стейнбек романларининг кучини оширган воситалар қаторида "now", "slowly" ва "quietly" равишларининг мохирона қўлланганини ҳам кўриб ўтдик. Бу омил ҳам "Жавоҳир" ва "The Grapes of Wrath" боқийлигини таъминлашдаги бир восита бўлган десак, муболага эмас.

Фойдаланилган адабиётлар рўйхати:

1. Боймирзаева С. Бадиий матнда луғавий бирликлар стилистик имкониятларининг намоён бўлиши // Ўзбек тилшунослиги масалалари. Илмий мақолалар тўплами. – Самарқанд, 2007.
2. Ganieva, O. K. The essential literary criticism of John Steinbeck's "The pearl" and Odil Yakubov's "Mukaddas". // ISJ Theoretical & Applied Science, 05 (85), 747-750. – 2020.
3. Засурский Я.Н. Американская литература XX века.-М.: МГУ, 1984.
4. Каримов С.А. Ўзбек тилининг бадиий услуби. Монография. – Самарқанд, 1992.
5. Khayriddinovna, Ganieva Orzigul. "Description of social problems in" Cannery Row" by John Steinbeck." ACADEMICIA: An International Multidisciplinary Research Journal 11.4 (2021): 1376-1379.
6. Sadullaev F. O. Henry-inson ruhiyatining kuchli bilimdoni //ЦЕНТР НАУЧНЫХ ПУБЛИКАЦИЙ (buxdu. uz). – 2021. – Т. 3. – №. 3.
7. Sadullaev F. B., Kudratova S. O. THE BENEFITS OF EXTENSIVE READING PROGRAMME IN LANGUAGE TEACHING //Мировая наука. – 2019. – №. 2. – С. 48-50.
8. Sadullaev F. B. THE IMPORTANCE OF GIVING FEEDBACK IN EFL CLASSES //Теория и практика современной науки. – 2018. – №. 11. – С. 404-406.
9. Steinbeck J. "The Grapes of Wrath" New York: "Penguin books"- 1986.
10. Steinbeck J. The Pearl. – New York: Bantam books, 1987.
11. Sadullaev F. B., Hodiyeva O. H. DESCRIPTION OF WOMAN IMAGE IN THE NOVEL "SHIRLEY" BY CHARLOTTE BRONTE //Теория и практика современной науки. – 2019. – №. 9. – С. 6-8.
12. Ganieva O. K., Sadullayev F. B. THE ROLE OF FEMALE CHARACTERS IN THE NOVEL "THE GRAPES OF WRATH" BY JOHN STEINBECK //АКТУАЛЬНЫЕ ВОПРОСЫ СОВРЕМЕННОГО ОБРАЗОВАНИЯ. – 2020. – С. 5-8.